

Menningar- og ferðamálasvið f.h. Reykjavíkurborgar kt. 530269-7609 og Stórsveit Reykjavíkur, kt. 520593-2259, gera með sér svofelldan:

SAMSTARFSSAMNING

um fjárstuðning Reykjavíkurborgar við Stórsveit Reykjavíkur á tímabilinu 1. janúar 2021 til 31. desember 2023.

1. gr. Markmið og framlag Reykjavíkurborgar

Meginmarkmið með stuðningi Reykjavíkurborgar við Stórsveit Reykjavíkur er að styðja við starfsemi Stórsveitarinnar og öfluga þátttöku hennar í tónlistarlífi borgarinnar, jafnframt því að hlúa að fjölbreytileika í íslensku tónlistarlífi. Stórsveitin er einstæð í íslensku tónlistarflóru, nokkurskonar símfóníuhljómsveit hryngeirans. Sveitin flytur nýja íslenska tónlist, nýja erlenda tónlist, sögulega tónlist og á í samstarfi við ólíka aðila í tónlistarlífinu.

Á samningstímanum skuldbindur Reykjavíkurborg sig til að greiða Stórsveit Reykjavíkur fjárhæðina kr. 3.000.000 árlega á tímabilinu 2021-2023.

Greiðsla framlags skiptist þannig á ári hverju:

kr. 1.000.000 1.-3. hvers eftirtaldrá mánaða, mars, júní og september.

Framlag borgarinnar greiðist inn á bankareikning Stórsveitar Reykjavíkur nr. 0513-26-008595

Framlög Reykjavíkurborgar vegna árána 2022 og 2023 eru með fyrirvara um samþykkt fjárhagsáætlunar þeirra ára. Verði gerð umtalsverð breyting til lækkunar á fjárveitingu til samningsins á fjárhagsáætlun taka aðilar upp viðræður um aðlögun samstarfsins að breyttri fjárveitingu.

2. gr. Forsaga, markmið og framlag Stórsveitar Reykjavíkur

Stórsveit Reykjavíkur var stofnuð í febrúarmánuði 1992. Sveitin telur 17 hljóðfæraleikara sem allir eru vel menntaðir atvinnutónlistarmenn, þar af nokkrir af fremstu jazztónlistarmönnum þjóðarinnar. Í heimi rytmískrar tónlistar á Íslandi skipar stórsveit svipaðan sess og Símfóníuhljómsveit Íslands gerir í klassískri tónlist. Hún er fjölmennasti tónlistarhópur landsins á þessu sviði, samnefnari þeirra sem leggja með alvarlegum hætti stund á aðra tónlist en klassíska. Stórsveit Reykjavíkur hefur á undanförunum 28 árum haldið rúmlega þrjúhundruð tónleika víðsvegar í Reykjavík og einnig á ýmsum stöðum á landsbyggðinni. Hún hefur lagt sig eftir breiðum stíl tónlistarlega séð; flutt nýja og framsækna íslenska og erlenda tónlist, en einnig leikið vinsæl eldri verk með vinsælustu söngvurum þjóðarinnar. Þannig spanna fáir tónlistarhópar álíka breidd og Stórsveit Reykjavíkur, frá hinu nýjasta og sértækasta til hins alþýðlegasta. Stórsveitin heldur að jafnaði átta tónleika á hverju starfsári. Sveitin hefur sent frá sér 12 geisladiska. Fjölmargir innlendir og erlendir gestir hafa komið fram með hljómsveitinni á liðnum árum sem einleikarar, einsöngvarar og gestastjórnendur.

Meginmarkmið verkefnisins er metnaðarfullt tónleikahald Stórsveitar Reykjavíkur; flutningur nýrrar og gamallar tónlistar með innlendum og erlendum gestum í fremstu röð. Markmið Stórsveitar Reykjavíkur eru eftirfarandi:

- að flytja nýja tónlist, bæði íslenskra og erlendra, með sérstaka áherslu á frumflutning
- að flytja klassíska stórsveitatónlist frá ólíkum tímabilum jazzsögunnar
- að starfa með stjórnendum og einleikurum í fremstu röð

- að blanda saman stefnum og straumum
- að kynna stórsveitatónlist fyrir ungu fólki
- að hljóðrita bæði alvarlega og léttari tónlist fyrir stórsveit
- að vera sterkt afl, bæði í tónlistarlífi höfuðborgarinnar og landsins alls
- að nálgast öll verkefni af vandvirkni og metnaði

Stórsveit Reykjavíkur skuldbindur sig til tónleikahalds frá ársbyrjun 2021 til áramóta 2023/2024. Starfsár Stórsveitarinnar er á tímabilinu september til maí en stöku sinnum fara einnig fram tónleikar á sumarmánuðum. Gert er ráð fyrir átta atburðum, föstum liðum, á ári næstu þrjú árin.

3. gr. Ábyrgð

Stórsveit Reykjavíkur ber ábyrgð á að starfsemi sveitarinnar fullnægi kröfum um fagmennsku og gæði. Stórsveit Reykjavíkur ber ábyrgð á skuldbindingum sem sveitin eða aðilar á hennar vegum stofna til í tengslum við þennan samning. Stórsveit Reykjavíkur er með öllu óheimilt að framselja greiðslur samkvæmt samningi þessum til þriðja aðila og setja hann með öðrum hætti til tryggingar fjárskuldbindingu.

4. gr. Kynningarmál

Á öllu kynningarefni Stórsveitar Reykjavíkur hérlendis jafnt sem erlendis, skal koma fram að Stórsveit Reykjavíkur sé styrkt af Reykjavíkurborg og skal Stórsveit Reykjavíkur birta merki Reykjavíkurborgar á kynningarefni sínu.

5. gr. Samskipti og eftirlit

Skrifstofa menningar- og ferðamálasviðs Reykjavíkurborgar er tengiliður samningsins við Stórsveit Reykjavíkur. Samráðsfundir samningsaðila skulu haldnir í maí eða júní ár hvert 2021-2023, þar sem farið verður yfir framkvæmd samningsins og tillögur að áherslum Stórsveitar Reykjavíkur fyrir komandi starfsár. Skrifstofustjóri menningarmála skal boða til fundanna. Stórsveit Reykjavíkur skal á árlegum fundum leggja fram áætlun um rekstur og starfsemi yfirstandandi árs og árituðum ársreikningi fyrra árs.

6. gr. Vanefndir og meðferð ágreinings

Telji Stórsveit Reykjavíkur hættu á að geta ekki uppfyllt samningsbundnar skyldur sínar skal tengiliður Reykjavíkurborgar, skrifstofu menningar- og ferðamálasviðs, tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð, er Reykjavíkurborg heimilt að fella niður greiðslur þar til Stórsveit Reykjavíkur hefur sýnt fram á að það muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum, áskilur Reykjavíkurborg sér rétt til að krefjast endurgreiðslu framlagsins að hluta eða öllu leyti eða rifta samningnum.

7. gr. Gildistími

Samningur þessu er gerður í samræmi við samþykktu fjárhagsáætlun Reykjavíkurborgar 2021 er samþykkt var í borgarstjórn þann 15. desember 2020. Samningurinn gildir til 31. des. 2023. Samningurinn er gerður í tveimur samhljóða eintökum og heldur hvor samningsaðili sinu eintaki.

8. gr. Breytingar á samstarfssamningnum

Samningur þessi er lýsing á samningssambandi aðila, réttindum þeirra og skyldum og gengur framar fyrri skuldbindingum, munnlegum og skriflegum eða öðrum samskiptum. Viðbætur við samning skulu vera skriflegar og undirritaðar af samningsaðilum.

9. gr. Staðfesting og meðferð ágreiningsmála

Samningurinn er gerður með fyrirvara um samþykkt borgarráðs og samþykkt fjárhagsáætlunar Reykjavíkurborgar vegna áraanna 2022 og 2023. Rísi mál út af samningi þessum skal það rekið fyrir Héraðsdómi Reykjavíkur.

Öllu framangreindu til staðfestu rita forsvarsmenn aðila nöfn sín undir samning þennan.

Reykjavík, x. febrúar 2021

F.h. Reykjavíkurborgar

F.h. Stórsveitar Reykjavíkur

Vottar að rétttri dagsetningu og undirskrift: